

UPPLÝSINGABLAÐ

MIKILVÆGAST

Norðurálmótið er mót fyrir byrjendur. Keppendur eru byrjendur, foreldrar eru byrjendur og dómarrar eru líka byrjendur. Tökum tillit til þess.

Byrjendur þurfa að fá að læra af mistökum. Hjálpumst að, þá gengur allt betur.

Þjálfarar, liðstjórar og foreldrar verða að fylgjast vel með skráningu úrslita á föstudegi. Niðurröðun fyrir laugardag og sunnudag byggir á úrslitum föstudags. Úrslitin verða að vera rétt skráð.

HUGARFAR

Fótbolti er skemmtun. Þessi skemmtun skiptir okkur öll máli. Það er sérstök ánægja að geta boðið leikmönnum ykkar að leika gegn liðum frá hinum ýmsu stöðum af landinu. Kennið leikmönnum að endurspeglu þessa ánægju í leik og framkomu á Norðurálmótinu, félagi sínu til framdráttar.

Leikmönnum skal kennt að virða ákvörðun dómara án spurninga eða athugasemda. Þetta skal einnig brýna fyrir foreldrum og öðrum aðstandendum liðanna.

Þjálfarar skulu alltaf styðja úrskurði dómara leiksins, hvort sem þeir eru réttir eða rangir. Þjálfarar og foreldrar skulu aldrei efast um hæfni dómarans svo leikmenn heyri til. Dómgæslu er hægt að ræða á kvöldfundum með þjálfurum og mótshöldurum.

Stundvísi er viðhöfð á Norðurálmótinu.

Foreldrar og stuðningsmenn liða endurspeglu þann anda sem er í hverju félagi. Verum öll okkar félagi til sóma og börnum okkar góðar fyrirmyndir. Við komum fram fyrir hönd okkar félags með stolti og virðingu

Á Norðurálmótinu gilda ákveðnar reglur í leik og umgengni. Engu að síður, þá hefur hvert félag rétt til þess að kvarta og gera athugasemdir við framkvæmd mótsins eða hluta þess. Ef þú þarft að nota þennan rétt, gerðu það við réttan aðila. Segðu rétt frá, rólega og virtu ákvörðunina, hver svo sem hún er.

Á mótinu starfar sjálfstæð úrskurðarnefnd, sem tekur á móti kvörtunum mótshaldara og félaga um framkvæmd keppinnar. Nefndin kannar umkvörtun og kveður upp endanlegan úrskurð, sem öll félög og mótshaldari skuldbinda sig til að fylgja.

UPPLÝSINGABLAÐ

MÓTSREGLUR

1. Leiktími er 2 x 12 mínútur. Inná leikvelli eru aldrei fleiri en 7 leikmenn frá hverju liði.
2. Í leikjum er aldrei skráður meiri markamunur en 3 mörk.
3. Ef að lið eru jöfn að stigum þá ræður markamunur. Ef að markamunur er jafn þá ræður innbyrðis leikur liðanna. Ef að sá leikur er jafn þá eru þeir hærri sem að hafa fengið færri mörk á sig. Ef það er einnig jafnt þá ræður hlutkesti. Leikir við gestalið í deildum (laugardag og sunnudag) telja ekki til stiga.
4. Þjálfurum er óheimilt að færa leikmenn á milli liða.
5. Í undantekninga tilfellum, ef ef fækkun leikmanna verður í liði, getur mótsstjórn heimilað að færa leikmenn á milli liða, og skal þjálfari þá sækja um það tímanlega til mótsstjórnar.
6. Dómari hefur rétt til að fara fram á það við þjálfara að leikmaður sé tekinn af velli ef hann gerist sekur um gróft brot. Annar leikmaður skal þó koma inn á.
7. Við hliðarlínu skulu eigi aðrir vera staðsettir en varamenn, þjálfari og einn fararstjóri. Aðrir, foreldrar og áhorfendur, skulu vera fjær, nánar tiltekið fyrir aftan mörkin utan merktrar línu.
8. Dómari hefur rétt til að stöðva leikinn og láta klukkuna ganga áfram, telji hann að áhorfendur, þjálfarar eða varamenn brjóti reglur eða séu uppvísir að ósæmilegri hegðun. Til ósæmilegrar hegðunar telst t.d. óviðeigandi hróp og köll.
9. Góð umgengni er öllum til sóma - verum okkar liðum til sóma.
10. Allir mæta í góðu skapi.
11. Á mótinu starfar keppnisráð. Ráðið skipa 3 aðilar, sem ekki koma að stjórn mótsins. Félög geta áfrýjað ákvörðunum mótsstjóra og starfsmanna mótsins sem varða keppnina og úrslit leikja, til keppnisráðs. Ráðið kannar mál og kveður upp endanlegan úrskurð, sem öll félög og mótshaldari skuldbinda sig til að fylgja.

KEPPNISFYRIRKOMULAG

Megin markmið Norðurálmótsins er að strákarnir okkar upplifi knattspyrnu á jákvæðan hátt og komi heim með góðar minningar um skemmtilega daga.

Með fyrirkomulagi mótsins eru eftirfarandi þættir hafðir í fyrirrúmi: Stutt bið er milli leikja hjá hverju liði, leikir eru milli liða sem eru af svipuðum styrkleika, leikgleði því að komast í úrslit er ekki lengur markmið og engir úrslitaleikir.

Öllum liðum frá hverju félagi er fyrir upphaf móts skipt niður á 6 flokka (A, B, C, D, E, F), hvern með 24 liðum. Mótshaldari í samráði við þjálfara sér um þá skiptingu. Þjálfarinn skipar sjálfur þátttakendum í lið fyrir fyrsta leik og má eftir það ekki færa þátttakendur á milli liða.

Fyrri hluti mótsins fer fram á föstudeginum. Þá er öllum liðum innan hvers flokks (A, B, C, D, E, F) skipt tilviljanakennt í 6 riðla með fjórum liðum hver, þar sem liðin fjögur spila hvert við annað. Liðin spila 3 leiki, annað hvort kl. 13:00-16:00 eða kl. 16:00-19:00. Ein umferð í hverjum riðli erleikin samtímis á samliggjandi völlum og einungis er eins leiks bið hjá hverju liði. Niðurstaða föstudagsriðlanna er notuð til að raða í deildir fyrir seinni hlutann.

UPPLÝSINGABLAÐ

Seinni hluti mótsins fer fram á laugardegi og sunnudegi. Hvert lið keppir þá 5 leiki. Innan hvers flokks (A, B, C, D, E, F), lenda öll lið sem vinna sína riðla á föstudegi saman í sex liða deild, þau lið sem lenda í öðru sæti á föstudegi lenda öll saman í sex liða deild o.s.frv. Úr þessu verða til 4 deildir með sex liðum innan hvers flokks þar sem svipuð lið eru saman í deild: Íslenska deildin, Enska deildin, Spænska deildin og Þýska deildin.

Fjórar af fimm umferðum deildanna eru leiknar á laugardegi, annað hvort kl. 9:00-13:00 eða kl. 13:00-17:00. Síðasta umferðin fer fram á sunnudag, kl. 9:00-11:00. Engir úrslitaleikir um sæti fara fram í mótinu.

FARARSTJÓRAR

Föstudagur er notaður til að skipta liðum eftir getu fyrir keppni á laugardegi og sunnudegi. Úrslitin verða því að vera rétt skráð. Þjálfarar og liðstjórar verða að fylgjast vel með skráningu úrslita á föstudegi og tilkynna strax til mótsnefndar ef skráning úrslita er röng. Úrslit leikja og leikjaskipulag er birt í glugga á mótshúsi á vallarsvæðinu og á heimasíðunni.

Þeir sem lenda í 1. og 2. sæti á föstudegi spila milli kl. 13:00 og 17:00 á laugardegi. Þeir sem lenda í 3. og 4. sæti á föstudegi spila milli kl. 9:00 og 13:00 á laugardegi og síðan spila öll lið einn leik á sunnudegi milli kl. 9:00 og 11:00.

Fararstjórafundir verða haldnir daglega í sal á efri hæð Íþróttamiðstöðvarinnar á tíma sem fram kemur í dagskrárskjalinu. Gengið er inn að sunnanverðu frá aðalleikvangi.

Mikilvægt er að allir þátttakendur og liðstjórar í hverju liði mæti saman í mat á skipulögðum tímum. Ekki verða skipulagðar sundferðir að þessu sinni, en frítt er í sund fyrir alla á eigin ábyrgð.

GREIÐSLUR

Þáttökugjald er kr. 12.000 fyrir hvern keppanda á Norðurálmótið. Innifalið í þáttökugjaldi: Gisting í skólastofu í tvær nætur, kvöldverður á föstudag, morgun-, hádegis- og kvöldverður á laugarlag, morgunverður og grillveisla á sunnudag, kvöldskemmtun og viðurkenningar.

Félögin fá frítt matarpakka fyrir 1 liðsstjóra með hverju liði. Ef félög óska eftir að fá matarpakka fyrir aðra fylgdarmenn liðanna, þá verður hægt að kaupa matarpakka aukalega á 6.000 kr. í upphafi móts.

Greiðsla á þáttökugjaldi keppenda skal fara fram eigi síðar en 14 dögum fyrir mótssetningu, þ.e. **föstudaginn 7.júní**. Sé gjaldið ekki greitt, getur verið hætt á að félagið missi sæti fyrir einhver lið yfir til annars félags sem er á biðlista. Hvert félag skal greiða fyrir alla keppendur sína í einni greiðslu. Í sömu greiðslu skal greiða fyrir matarpakka fyrir þjálfara, viðbótar liðsstjóra og aðra fylgdarmenn, sem félögin óska eftir. Nota skal greiðslublað sem er á heimasíðu mótsins.

Afhending þáttökugagna og allra matarmiða til 1 fulltrúa frá hverju félagi, fer fram í sal á efri hæð Íþróttamiðstöðvarinnar á föstudegi milli kl. 10:30 og 12:00.

UPPLÝSINGABLAÐ

GISTING KEPPENDA

Gisting keppenda er í skólum bæjarins, Grundaskóla, í Brekkubæjarskóla við Vesturgötu eða í Fjölbrautaskólanum við Vogabraut. Skipulag gistingar er birt á netinu stuttu fyrir mót.

Hvert félag fær úthlutað ákveðnum fjölda kennslustofa eftir þátttökufjölda keppenda og skal sjá um að skipta liðunum sínu í stofurnar. Mjög gott er að lið komi sér fyrir á gististöðum áður en skruðgangan hefst, því keppni hefst strax að henni lokinni. Gististaðir opna kl. 8:30 á mótssdegi.

Gistireglur gera ráð fyrir að ró sé komin á gististaði fyrir kl. 22 öll kvöld. Vakt er skipulögð í öllum skólum allan sólarhringinn.

STRÆTÓ

Strætó gengur á hálf tíma fresti milli mótssvæðis og gististaða í Brekkubæjarskóla og Fjölbrautaskóla á mótstíma og fram eftir kvöldi eftir þörfum. Frítt er í strætó allt mótið fyrir alla mótsgesti, en þátttakendur hafa forgang.

MATUR OG MATSALIR

Morgunverður er framreiddur í sal Brekkubæjarskóla fyrir dvalargesti í þeim skóla, en aðrir fá morgunverð í matsal Íþróttamiðstöðvar. Lið hafa frjálsan tíma í morgunverð.

Liðum er úthlutaður sérstakur matmálstími fyrir hádegis- og kvöldmat, sem fram kemur í tímaskipulagsskjölum. Matur fyrir öll lið er framreiddur í íþróttasal Íþróttamiðstöðvar. Gengið er inn í Íþróttamiðstöðina að vestanverðu, þar sem afhenda skal matarmiðana. Einungis fararstjóri fær aðgang að salnum með liði sínu.

MATSEÐILL

Matseðill mótsins er birtur á heimasíðunni. Þátttakendur sem hafa mataróþol, geta látið vita með því að senda póst með upplýsingum um einstakling og félag þess á netfangið matur@kfia.is. Sendandi fær upplýsingar til baka um mat og ráðstafanir sem hægt er að gera á mótinu.

SUND

Frítt er fyrir alla í sund á föstudegi frá kl. 13:00-20:00 og á laugardegi frá kl. 9:00-19:00 í boði Akraneskaupstaðar. Athugið að ábyrgð á börnum er alfarið á höndum foreldra og fararstjóra. Vinsamlegast kynnið ykkur opinbera reglugerð nr. 814 frá 2010 er varðar sundferðir barna.

LÍDSMYND

Mótshaldarar sjá um að taka liðsmynd af öllum liðum, á ákveðnum tíma og á ákveðnum stað, og eru upplýsingar birtar í tímaskipulagsskjölum. Myndirnar verða til sölu í foreldrakaffinu.

UPPLÝSINGABLAÐ

ÓSKILAMUNIR

Allir óskilamunir verða settir í matsal Íþróttamiðstöðvar á meðan á móti stendur. Eftir mót er hægt að hafa samband við skrifstofu KFÍA varðandi óskilamuni.

FYRIR FJÖLSKYLDUR

TJALDSTÆÐI

Tjaldstæði mótsins fyrir fjölskyldur keppenda er á grasflötum við Byggðasafnið og í nágrenni, við Leynisbraut og nálægt Garðalundi. Svæðið er skipt í 5 hluta: Kúttersflöt, Garðaföt, Safnaföt, Hótelflöt og Formannaföt, og er félögum úthlutað svæði á einni flötinni. Félagssvæði hvers félags er merkt fyrir upphaf móts.

Tjaldstæðið er tilbúið eftir kl. 18 fimmtudaginn 20.júní. Þarna er sett upp snyrtiaðstaða í gámum, kamrar og útiþvottaðstaða, ásamt ruslagámum. Ekkert rafmagn er á tjaldsvæðinu.

Gistigjald á tjaldsvæði mótsins er **3.500** kr. á hvern ferðavagn (tjald/hjólhýsi/fellihýsi o.fl.).

Ekki er heimilt að tjalda á lóðinni við Grundaskóla eða öðrum lóðum í nágrenninu. Veitingasala er í Safnaskálanum við Byggðasafnið, og í Golfskálanum á golfvöllinum.

Vinsamleg tilmæli eru, að gestir á tjaldsvæði virði almennar umgengnisreglur og njóti þess að eyða helginni í faðmi fjölskyldunnar og fylgjast með keppni barna sinna án neyslu áfengis.

Opinbert tjaldstæði Akranesbæjar með allri þjónustu er staðsett vestan til í bænum, rétt hjá bensínstöðinni olís, sjá upplýsingar á www.tjalda.is.

HUNDAHÁLD

Leyfilegt er að vera með hunda á tjaldstæði mótsins. Þeir verða að vera í bandi allan tímann og hegðun þeirra þannig að þeir trufla ekki aðra tjaldgesti. Auðvitað þrifa eigendur allt eftir hundana sína.

Í samræmi við reglur bæjarins, þá er ekki leyfilegt að hafa hunda á keppnissvæðinu, ekki í Akraneshöllinni, á Langasandi eða í Garðalundi, hvorki í bandi eða í fanginu.

MATSALA

Í boði er að kaupa matarpakka mótsins: Morgunverð (2x), hádegisverð (1x), kvöldverð (2x) og grillveislu (1x). Matarpakkinn kostar 6.000 kr. fyrir fullorðna og 4.000 kr. fyrir börn (undir 18 ára). Einnig er hægt að kaupa miða fyrir staka máltíð: Fullorðnir: Hádegis- eða kvöldmatur kr. 1.500.- morgunmatur kr. 800.- Börn: Hádegis- eða kvöldmatur kr. 1.000.- morgunmatur kr. 800.- Miðar og pakkar verða seldir við inngang í matsal Íþróttamiðstöðvar.

UPPLÝSINGABLAÐ

Grillveisla er haldin við aðalkeppnisvöllinn á sunnudeginum milli kl. 11:00-12:15 fyrir alla þátttakendur. Foreldrar og aðstandendur eru velkomnin og geta þau keypt miða í grillið á kr. 700.- Kaffi- og veitingasala á keppnistíma er í veitingatjöldum á keppnissvæðinu fyrir áhorfendur.

FORELDRAKAFFI

Foreldrar allra karla- og kvennaflokka ÍA sameinast um að bjóða öllum foreldrum þátttakenda til kökuveislu á laugardagskvöldið kl. 21:30-23:30. Foreldrakaffið er í matsal Íþróttamiðstöðvar og aðgangur er ókeypis.

Foreldrakaffi er eingöngu fyrir foreldra þátttakenda (ekki fyrir börn)!

KEPPNIS- OG LIÐSMYNDIR

Í foreldrakaffi verða myndir frá keppni föstudagsins sýndar og boðnar til sölu á 1.000 kr. Þar verða einnig til sölu myndir af hverju liði, sem teknar hafa verið sérstaklega af ljósmyndurum mótsins.

BÍLASTÆÐI

Bílastæði eru við Íþróttamiðstöðina, við Innesveg, á tjaldsvæðum og á öðrum merktum svæðum. Ekki er heimilt að leggja bílum á grasið við keppnisvelli, á gangbrautir, eða göngustíga.

UMGENGNI

Keppnissvæði, matsalir og gististaðir þátttakenda eru algjörlega reyklus. Foreldrar eru vinsamlegast beðnir um að virða það.

Ruslagámar og tunnur eru stutt frá á öllu keppnissvæðinu og á tjaldsvæðinu. Keppendur og áhorfendur eru félögum sínum til sóma með góðri umgengni.

UPPLÝSINGAR

Allar upplýsingar um mótið, s.s. kort, skipulag og úrslit, er birt á heimasíðu mótsins, www.kfia.is/norduralsmot. Þessar upplýsingar eru uppfærðar eftir þörfum, alveg til loka mótsins.

Gefið er út sérblað um mótið og aðra viðburði helgarinnar á Akranesi, sem dreift er til mótsgesta.

VELKOMIN Á NORÐURÁLSMÓTIÐ 2013